

FEDERATA SKITARE E KOSOVËS
Nr. 51/018 Dt. 06.11.2018
Prishtinë



FEDERATA SKITARE E KOSOVËS
SKI FEDERATION OF KOSOVO
SMUČARSKA FEDERACIA KOSOVA
www.fs-kos.com, email: info@fs-kos.com

House of Sport – Prishtina

Tel: +383 38 248 101, +383 49 501 091, +383 49 587 589, +383 44 476 182

P R O P O Z I C I O N E T
E GARAVE TË FEDERATËS SKITARE TË KOSOVËS
PËR VITIN KALENDARIK 2018/2019

KUPAT ALPIKE

Brod, Korrik, 2018

PROPOZICIONET
E VEÇANTA TË KUPAVE ALPIKE TË KOSOVËS PËR VITIN
2018/2019

I DISPOZITAT E PËRGJITHËSHME

Neni 1

Organizator i Kupave Alpikë të Kosovës janë Federata Skitare e Kosovës në bashkpunim me Qendrat e Skijimit të Kosovës ose Klubet e Skijimit të regjistruara pranë FSK-së.

Neni 2

Kupat Alpikë të Kosovës janë gara individuale dhe ekipore të të gjitha kategorive në konkurrencën e femrave dhe meshkujve duke filluar prej shpresave gjerë tek seniorët.

Neni 3

Të gjithë garuesit në Kupat Alpikë të Kosovës marrin pjesë si anëtarë/e të regjistruar në klubet e veta skitare, dhe poashtu të drejtë pjesëmarrje kanë garuesit që nuk janë pjesë e asnjë klubi të skijimit.

Neni 4

Garat zhvillohen sipas rregullave të FSK-së dhe në harmoni me ato të FIS-it.

II TË DREJTË PJESËMARRJE

Neni 5

Të drejtë pjesëmarrje në Kupat Alpikë të Kosovës kanë të gjithë garuesit e FSK-së të verifikuar në bazë të librezës së anëtarësimit.

Neni 6

Të drejtë pjesëmarrje në Kupat Alpikë të Kosovës kanë edhe garuesit të cilët

nuk janë shtetas të Republikës së Kosovës.

Neni 7

Në Kupat Alpikë të Kosovës për vitin 2018/2019 kanë të drejtë pjesëmarrëje të gjithë garuesit sipas këtyre viteve të lindjes:

-Shpresat U-8 femra – meshkuj 2011 e më vonë. Medalje dhe diploma ndahen për të gjithë garuesit e kësaj kategorie.

Kjo kategori poentohet për plasman ekipor dhe plasman individual.

| Nr. Rend. | MOSHA | EMRI KATEGORIA | EMRI KATEGORIA | FILLIM VITIT | FUNDI I VITIT |
|-----------|-------|-------------------|-------------------|--------------|---------------|
| 1. | U-8 | SHPRESAT F. | SHPRESAT M. | 2011 | E MË VONË |
| 2. | U-10 | YLLKAT 1 | FATOSAT 1 | 2010 | 2009 |
| 3. | U-12 | YLLKAT 2 | FATOSAT 2 | 2008 | 2007 |
| 4. | U-14 | PIONERET E REJA | PIONERËT E RINJ | 2006 | 2005 |
| 5. | U-16 | PIONERET E VJETRA | PIONERËT E VJETËR | 2004 | 2003 |
| 6. | U-18 | JUNIORET E REJA | JUNIORËT E RINJ | 2002 | 2001 |
| 7. | U-21 | JUNIORET E VJETRA | JUNIORËT E VJETËR | 2000 | 1998 |
| 8. | O-21 | SENIORET | SENIORËT | 1997 | E MË HERËT |

Neni 8

Garuesit mund të startojnë në kategorinë moshore (më të vjetër) vetëm me lejen e mjekut dhe të trenerit apo klubit, mirëpo nëse starton në atë kategori atëherë nuk ka të drejtë që në vitin e njejtë të startojë në kategorinë më të ultë. Startimi nga një kategori në garën e parë nënukpton përfundimin e sezonës në atë kategori.

Neni 9

Kupat Alpikë të Kosovës janë gara të hapura.

Neni 10

Pranohet si garë e rregulltë nëse marrin pjesë më së paku 3 (tre) e më shumë garues nga 3 (tre) klube të ndryshme skitare të regjistruara në Federatën Skitare të Kosovës. Pranohet si garë e rregulltë në një disiplinë nëse startojnë garues të rregulltë të 3 (tri) e më shumë klubeve skitare të Kosovës me nga 1 (një) garues të kategorive të ndryshme.

Nëse në cak do të arrijë vetëm një garues, ai/ajo do të poentohet në mënyrë të rregulltë për plasman individual dhe ekipor për shpallje të sportistit të vitit.

III POENTIMI DHE CAKTIMI I PLASMANIT

Neni 11

Kampion individual i Kosovës është garuesi/ja nga territori i Kosovës i cili/e cila e arrinë rezultatin më të mirë në të gjitha Kupat Alpikë dhe në Kampionatin e Kosovës.

Neni 12

Ndërsa plasmani i ekipeve caktohet në bazë të poenave të përgjithëshme të garuesëve të një ekipi (klubi) në të gjitha Kupat Alpikë dhe Kampionatin e Kosovës.

IV PARAQITJA E EKIPEVE DHE INDIVIDËVE

Neni 13

Paraqitja e klubit dhe individëve bëhet së paku 24 orë para fillimit të garave përmes email-it zyrtar të FSK-së: info@fs-kos.com ose me prezencë në takim të Këshillit Organizativ.

Ndërrimi i garuesëve/eve të paraqitur më herët mund të behët së paku 2 orë para tërheqjes së shortit për garë.

V PRANIMI DHE KONTROLLIMI I DOKUMENTACIONIT

Neni 14

Pranimin dhe verifikimin e dokumentacionit e bënë komisioni i garave i

FSK-së ose organizatori teknik i garave.

Neni 15

Një ekip ka të drejtë të paraqesë 7 (shtatë) e më tepër garues për një kategori mirëpo vetëm 7 (shtatë) garuesit me kohën më të mire poentohen.

Neni 16

Tërheqja e numrave bëhet sipas rregullave të FSK-së dhe të FIS-it 12 (dymbëdhjetë) orë para fillimit të garave.

Tërheqja e numrave bëhet sipas paraqitjes së garuesëve/eve nga ana e udhëheqësit të ekipit:

-Tërheqja e numrave bëhet sipas kategorive dhe disiplinave

VI VËREJTJE NË PARREGULLËSI TË GARAVE

Neni 17

Klubet kanë të drejtë t'i paraqesin vërejtjet (ankesat) me shkrim përmes formularit të ofruar nga FSK, Komisionit të garave të FSK-së menjëherë pas përfundimit të njërës lëshim në afat prej 15 min gjatë garës gjegjëse me kaucion prej 30 euro. Nëse ankesa vërtetohet se klubi i cili është ankuar ka të drejtë atëherë kaucioni i deponuar i kthehet.

Komisioni i garave është i obliguar të vendosë për vërejtjen e paraqitur nga klubi në bazë të Rregullave të FSK-së dhe atyre të FIS-it.

Delegati teknik i FSK-së është i autorizuar për anulimin ose shtyerjen e garës një ditë para fillimit të garës.

VII SHPENZIMET PËR PJESËMARRJE

Neni 18

Të gjitha shpenzimet për pjesëmarrje të garuesëve/eve dhe përfaqësuesëve të klubeve bien në barrë të klubeve veç e veç.

Organizatori i garave është i obliguar të sigurojë vendosjen e garuesëve dhe përfaqësuesëve të klubeve.

VIII BULETINI DHE RAPORTI

Neni 19

Shërbimi teknik për nxjerrjen e Buletinit, gjatë garave është i obliguar që pas vozitjes së parë të përgadisë listën e rezultateve dhe të u'a dorëzoj trenerëve të klubeve sipas kërkesës.

Neni 20

Sekretari i Përgjithshëm është i obliguar që më së voni 3 (tre) ditë pas përfundimit të garës të një discipline të i publikojë rezultatet në Web-Faqen zyrtare të Federatës Skitare të Kosovës.

Neni 21

Këshilli i garave është i obliguar që më së voni 2 (dy) ditë pas përfundimit të garave, të e paraqesë raportin e zhvillimit të garave Federatës Skitare të Kosovës.

IX POENTIMI NË KUPAT ALPIKE TË KOSOVËS

Në Kupat Alpikë të Kosovës është i detyruar poentimi i garuesëve/eve, sipas propozicioneve të FIS-it.

| Place | Points | Place | Points | Place | Points |
|-------|--------|-------|--------|-------|--------|
| 1 | 100 | 11 | 24 | 21 | 10 |
| 2 | 80 | 12 | 22 | 22 | 9 |
| 3 | 60 | 13 | 20 | 23 | 8 |
| 4 | 50 | 14 | 18 | 24 | 7 |
| 5 | 45 | 15 | 16 | 25 | 6 |
| 6 | 40 | 16 | 15 | 26 | 5 |
| 7 | 36 | 17 | 14 | 27 | 4 |
| 8 | 32 | 18 | 13 | 28 | 3 |
| 9 | 29 | 19 | 12 | 29 | 2 |
| 10 | 26 | 20 | 11 | 30 | 1 |

Për garuesit Kosovar që fitojnë pikë në garat ndërkombëtare nuk i sjellin pikë klubit të vet për plasman ekipor, mirëpo ato pikë i llogariten vetëm për plasman individual.

Pikët e fituara në Kupat Alpikë të Kosovës për garuesit nga jashtë nuk vlejnë për plasman ekipor në Kosovë.

Garuesit Kosovarë që marrin pjesë në garat ndërkombëtare nuk do të poentohen për Reprerentacion e Kosovës nëse koha e tij/sajj e kalon 10 sec e më shumë se koha më e mirë e asaj gare. Garuesit do të vlerësohen sipas kësaj tabelle:

| | |
|------------------|----------|
| 10 sec e më vonë | 30 poena |
| 9 sec e më vonë | 35 poena |
| 8 sec e më vonë | 40 poena |
| 7 sec e më vonë | 45 poena |
| 6 sec e më vonë | 50 poena |
| 5 sec e më vonë | 55 poena |
| 4 sec e më vonë | 60 poena |
| 3 sec e më vonë | 65 poena |
| 2 sec e më vonë | 70 poena |
| 1 sec e më vonë | 75 poena |

- Garuesit e shteteve të huaja nuk hyjnë në konkurrencë të barabartë me garuesit vendor në garat e hapura që organizohen nga FSK (garuesit vendor rangohen sipas rezultateve vetëm në mes vehte.)

- Në kategoritë ku nuk ka rivalitet/konkurrencë dhe koha e arritur e kalon penalltinë prej 4 sekonda për meshkuj dhe 5 sekonda për femra, për të dyja grahjet/lëshimet, garuesi në fjalë do të shpërblehet me medalje, mirëpo ky rezultat nuk do të përfshihet në përzgjedhje për Reprerentacionin e Kosovës. Penaltia prej 4/5 sekonda do të kalkulohet nga koha më e mirë e asaj gare pamvarësisht gjinisë dhe varësisht nga gjatësia e shtegut/kategoria.

IV DISPOZITAT PËR PAISJET OBLIGATIVE TË GARUESËVE

Neni 22

- Për U-12 e më poshtë: Vetëm helmata është obligative kurse kombilizoni është i preferuar por asnjëra sipas normave të FIS-it. Rekomandim për këtë kategori: Përdorni vetëm një palë ski për të gjitha disiplinat në qoftë se gjatësia e skive është më e vogël se 130 cm.

Neni 23

-Për U-12 e më poshtë: garat në Sllallom të Madh do të organizohen sipas mundësive në shtigje të veçanta, ndërsa në mungesë të kushteve do të garojnë në shteg të njejtë për Yllka (U-10) dhe Shpresa (U-8) me shteg të shkurtuar mirëpo vendosja e portave do të jetë sipas kriterëve të pionerëve (U-12), për Sllallom të Madh maksimumi i distancës është 20m ndërsa distanca normale në mes portave është 17m – 20m.

Neni 24

- Për U-14 e lartë: Helmata, syzet dhe kombilizoni duhet të jenë obligative por jo sipas normave të FIS-it.

Neni 25

Për Disiplinën e Sllallomit të Madh, vlejné:

-Për kategoritë U-14 dhe U-16 skitë duhet të jenë obligative sipas gjatësisë deri në 188 cm ndërsa radiusi i preferuar është 17 m e më lartë.

-Për kategoritë U-18 dhe lartë, për Femra – gjatësia është 188 cm e më lartë dhe radiusi duhet të jetë 25 m ndërsa për Meshkuj gjatësia është 193 cm e më lartë dhe radiusi 30 m. Për kategoritë U-18 dhe lartë gjatësia e skive ka tolerancë +/- 5 cm ndërsa radiusi ka flex/tolerancë prej +/- 5 m (pesë metra) sipas standardeve të FSK-së (Kësaj rregulloreje) dhe FIS-it.

- Shtegu duhet të trasohet në bazë të kategorive dhe paisjeve/rekuizitave të garuesëve/eve (që nënkupton, për kategorinë e Pionereve/eve të Reja/Rinj(U-14) dhe të Vjetra/Vjetër (U-16) = 1 shteg – ku portat nuk duhet të e kalojnë minimumin (21m – 25m) dhe maximumin (27m), ndërsa Junior (U-18) dhe Senior (O-18) = 1 shteg – ku portat nuk duhet të e kalojnë minimumin (24m – 27m) dhe maximumin (30m)).

Neni 26

Për Disiplinën e Sllallomit vlejné:

-Për kategoritë U-18 e më lartë, për Meshkuj gjatësia e skive është 165 cm dhe për Femra 155 cm, ku toleranca është +/- 5cm varësisht prej gjatësisë së garuesit.

-Për kategoritë U-14 dhe U-16, gjatësia e skisë duhet të jetë më e madhe se 130 cm për të dy gjinitë.

Neni 27

- **Kategoria e shpresave poentohet për plasman ekipor dhe për plasman individual.**

Neni 28.

Prej këtij viti shpallja e sportistëve të vitit do të organizohet sipas këtij propozimi:

- 5 skitaret (F) dhe 5 skitarët (M) më të mirë të kategorisë O-18 (Junior dhe Senior)
- 5 skitaret (F) dhe 5 skitarët (M) më të mirë të kategorisë U-14 dhe U-16 (Pionerët/et e Rinjë/eja dhe të Vjetër/ra)
- 5 skitaret (F) dhe 5 skitarët (M) më të mirë të kategorisë U-08, U-10 dhe U-12 (Shpresa, Yllka/Fatosa 1 dhe 2)

XI DISPOZITAT PËRFUNDIMTARE

Neni 29

Kupat Alpikë të Kosovës pranojnë si gara të rregullta, nëse garat monitorohen nga Delagati Teknik, Referi Kryesor dhe Traserët e shtegut të caktuar nga Federata Skitare e Kosovës.

FEDERATA SKITARE E KOSOVËS

Prishtinë
09.10.2018



z.Milaim Kelmendi
President
Federata Skitare e Kosovës